

Molliendo & Conat U.

CONSULTATIO

De Onerum & Tributorum
Relaxatione,

RECHABEAMO,

Rege Israelitarum inaugurando,

*Senioribus & junioribus Consi-
siliariis instituta:*

*Repetetur in Scholâ Zit-
taviensi*

Quibusdam Ejus Alumnis,

XI ~~pridie~~ calend. Apr.

Ad quam benevolè audiendam

Senatum Populumq; literatum

submissè, reverenter ac officiosè invitat

M. CHRISTIANUS KEIMANNUS Z.

Sch. Pat. R. P. L. C.

Her Mann Us pre Lo Des Cr Ibebat.

Lit. Lat.

rec. A.

389, 20.

*Genere, Virtute, Literis, Meritisq̄ in
Patriam amplissimis,
Nobilissimo perq̄ Strenuo Viro,
Dn. CHRISTOPHORO ab HOBERG,
in Bernau &c.*

*Ducatûs Gorliciani CAPITANEO
Spectatissimo:*

*Domino & Patrono suo
lectissimo,*

*Filii Ipsius Studiis latissimos Successûs
ritè apprecatus,*

*Signum Observantiæ &
Fiduciæ*

l. m. q̄

D. D. C.

M. C. K.

S. Z. R.

Ave Benevole, Candide, Docte Lector.

Functus erat fato SALOMO, Patribusq; beatiss
Adjunctus, vacuæ deserta reliquerat aula
Regna, Sionæi quæ surgunt culmina montis.
Ergo RECHABEAM, sapientis stulta Parentis
Progenies, patriis cupiens succedere regnis,
SICHEMUM de mōre petit, quò concio gentis
Isacidum collecta loco confluerat, atq;
Concilium augustum regni de rebus habebat.
Designandus erat successor, Sceptraq; regni
RECHABEAM populi laturus honora favore:
Quàm prius at solium premeret suffectus avitum,
Juraq; plena daret; prædura gravamina quædam
Demi à Rege sibi Populus petit, atq; levare.
Namq; Vir (ut primùm coràm data copia fandi)
Consiliis Verbisq; potens sic ora resolvit.

O lux Isacidum, postquam sua fata tulere
Divinum Salomona Patrem, non degener bares
Expectas sceptrum regni, sacrumq; tiaram:
Quæ tibi gratamur meritò, latiq; precamur,
Felix Imperium, longævaq; tempora vitæ,
Charior ut nostros sis ipso MOSE JHOVÆ:
Sis ut avo DAVIDE tuo felicior ipso,
Nec SALOMONE minor Sapientiâ & Indole Patre:
Subq; tuo imperio Respublica floreat omnis, Sic

*Sic tibi, Rex, Populus felix te Rege futurus
Pectore devoto & submissâ mente precatur.*

*Tu tamen, ô, contra, Rex optime, vota tuorum
Suscipe, & baud duris justas admitte querelas
Auribus, & rebus fessis succurre benignus.
Hactenus ille tuus Genitor durissima nobis
Imposuit juga, multiplicans onera atq; labores,
Ut respirandi vix sit relicta potestas.
Illa tuus minuat favor, & cervicibus agris
Triste jugum abjungat, te supplice voce precamur,
Ille tuus populus præcepta capessere promptus,
Obsequium sic nostra Tibi præstare vicissim
Corda laborabunt, & honoris debita solvent.*

*RECHABEAM precibus turbatur protinus bisce,
Primoresq; jubet sua limina rursus adire,
Lucem ubi terna dies retulisset gentibus almam.
Interea ipse Senes, quorum Prudentia rebus
Innumeris spectata Fidesq; erat inclita, regno
Dum Salomo Rex jura dabat, dum sceptrum tenebat,
Consilium poscit, populo responsa rebelli
Quæ reddenda putent, quâ mentes arte regendas.*

*Illi sic Regi suadent: Admiseris aure,
Si placidâ populi votum, primosq; precatûs,
Atq; onerum partem tantillam demseris illi,
Et placido affatus fueris sermone querentes;
Semper ad obsequium, dum regia sceptrum tenebis, Tur-*

*Turba parata Tibi vitam pro Rege pacisci
Nō dubitabit. Amor populi auget sceptrā, thronumq̄;
Præclarè. Si non Regi mens lava fuisset.
Consilium ille Senum spernit, Juvenesq̄, calentes
Advocat, ac, animo quænam sententia surgat
His super, exquirat: quonam dimittere plebem,
Responso deceat commotam & multa frementem,
Quæ calor eventûs securus suggerit ipsis,
Instillant Regi: Populo sic dixeris isti,
Quæ te sollicitans onerum lenimina poscit:
Nempe meus Genitor vobis onera atq̄ labores
Injunxit nimios, & pondere presit iniquo?
O homines sine fronte! Ego nullâ parte secundus
Sum Patri, mihi vis eadem, parilisq̄, voluntas.
Ergo jugum, Pater imposuit quod maximus olim
Vobis, imponam, geminato pondere, duplex,
Et, quam crassitiem lumbos habuisse Parentis
Culpatis, minimus digitorum noster habebit.
Vestraq̄, concidit Genitor si terga flagellis,
Idq̄, doletis adhuc: geminabo ego, vosq̄, nocentes
Scorpius & diriplectent cadentq̄, colubri.
Sic Juvenes teneri flectebant pectora Regis
In pejus, damnum in Regis, Regniq̄, ruinam,
Namq̄, ubi tertia lux cœlo fuit orta sereno,
Et regni proceres. totâ cum plebe revertunt,
Auditum Regis responsa, animumq̄, benignum,*

La-

Laduntur duro nimis & tristi responso,
Quo percussi animos iram inflammantur ad acrem,
Et malè prudenti respondent talia Regi.

Et quid ad hunc populum truculenti iussa Tyranni?
Quid cum Davide, quid cum Salomone negotii
Est Israëligenis? Quin diro Rege relicto
Quisq; suos repetit satus Israëlè Penates?
Tu curare domum Juda, Regnumq; memento
Ipse tuum: nobis Regem curabimus ipsi.

Sic ajunt, repedantq; domum, patriosq; revisunt
Quisq; Lares, denaq; tribùs subducere sceptris
Sese legitimis audent, Regemq; creare,
Prædictum à Domino, & Regnum divellere priscum.

Hæc per Personas Juvenum solertia sparget
Quorundam, ingenii spem tentatura tenelli.
Surget enim (α) Orator Regi gratatus & orans,
Mitiùs ut paulo tractetur subdita turba.
Nomine mox Regis populum remeare jubebit
Post triduum Orator (β). Rex (γ) consulat inde Senatum:
Annuat ut Populo, Senior (δ) svadebit; idemq;
Dissvadere parant Juvenes duo (εζ): Rex (η) stat eorum
Consilio: Orator (θ), quæ sit sententia Regis
Aspera, proponit populo: surgitq; (κ), dolentem
Qui vocat ad Regni rupturam, abitumq; parandum.

Hæc sanè baud digno purgatis auribus audent
Proposuisse stylo Juvenes: nibilo minùs, oro, In-

*Insignes Pietate Viri, Studiisq̄, Fideq̄,
Et Virtute graves & Nobilitate corusci,
Ne grave sit Vobis studiis impendere nostris
Temporis exigui morulam, uniusq̄, biborii.
Discutiet brevitās, pariet quā tadia forsan,
Dicentūm Ruditas, usq̄, infantia nondum
Emendata ullo. Stimuli sub pectore molles
Vertentur, mentes Juvenum ad majora vocantes.
Quin etiam illorum benè demeruisse vicissim
Hoc genus officii sat agent ubicunq̄ Parentes.
Et nos, quo Studio fas est & Honore, Fideq̄,
Nunc, olim; quocunq̄, dabunt se tempore vires,
Eximios operam dabimus coluisse PATRONOS;
Quos commendatos rite Omnipotentis IOVIS
Praesidio, ex animo, recteq̄, valere jubemus.*

Tacitus l. XI Ann.

**Potentia cautis quàm acriori-
bus consiliis tutiùs
habetur.**

Designatio Exercitii.

- α. JOACHIM ERNESTUS à DÖBSCHÜTZ, Eq. Lus. Orator populi, novello Regi gratulatus, onerum civilium relaxationem petet.
- β. DAVID TEUBERUS Z. Regis Cancellarius, populum post triduum redire jubebit.
- γ. CHRISTOPH. ABRAHAMUS ab HOBERG, Eq. Lus. Regis personam sustinens, Consiliariis rem deliberandam proponet.
- δ. BALTHAS. SIGISMUNDUS à ZEDLITZ, Eqves Lus. onerum mitigationem suadebit.
- ε. CASPAR TORNAVIUS Gryph. Sil. Regem ad duriores sententiam instigabit.
- ζ. MARCUS SCHWANER Zitt. idem cum priore sentiet.
- η. CHRIST. ABRAH. ab HOBERG, posteriorem sententiam amplexus, denunciandam eandem Cancellario injunget.
- θ. DAVID TEUBERUS Z. Sententiam Regis asperiores Populo intimabit.
- κ. CHRISTOPH. ADOLPHUS Hirschb. Siles. Populum diro responso percussum ad disfidium & defectionem à domo Davidis extimulabit.

FaC patrlaM fLorere DEUs!

Lit. Lat. rec. A 389, 20.